

**Ealáhuslávdegoddi****Áigi** 30.11.2010 diibmu 11:00 - 14:00**Báiki** Váldostivrra sále**Giedahallanáššit**

<b>§</b>	<b>Bajilčála</b>	<b>Siidu</b>
58	Lágalašvuohta ja mearridanváldi	3
59	Beavdegirjji dárkkisteaddjiid válljen	4
60	Bargoortnega dohkkeheapmi	5
61	Ealáhusčáli/bálvalusrávvejeaddji deavdinlohpi	6
62	Gilit goargadin ovddidanfidnu	7
63	Lappi turisma dorvvolašvuođavuogádat	9
64	Dálonguovlohálddahusa láchkaodastus	10
65	Davimusš Láppi Leadera lasseearri	12
66	Luopmosadjásašbálvalusat jahkái 2011	15
67	Geavahanekonomiaplána ja fidnoprográmma 2011	16
68	Ealáhusdoaimma ekonomiageahčastat	17
69	Áššit diehtun	18
70	Gosa jávkka dat lynx luodda -ovdačielggadanbargu	19
71	Eará áššit	21

**Oassálastit**

	Namma	Diibmu	Doaibma	Lassedieđut
Mielde	Porsanger Veikko	11:00 - 14:00	Ságadoalli	
	Länsman Inger	11:00 - 14:00	Várreságadoalli	
	Guttorm Urho	11:00 - 14:00	Lahttu	
	Lohi Juha	11:00 - 14:00	Lahttu	
	Länsman Vieno	11:00 - 14:00	Lahttu	
	Tapiola Tapani	11:00 - 14:00	Ovddidanhoavda, áššegieđahalli	
	Länsman Raimo	11:00 - 14:00	Beavdegirjedoalli	
Eret	Manninen Terttu		Lahttu	
	Somby Uula-Petteri		Lahttu	
	Hekkanen Raimo		Ráđđehusa ovddasteaddji	
	Katekeetta Antti		vs. gielddahoavda	
	Härkönen Esko		Gielddaráđđehusa sd.	

**Vuolláičállosat**

Ságadoalli

Beavdegirjedoalli

**Gieđahallanáššit**

58 - 71

**Beavdegirjji dárkkisteapmi**

Dárkkistanáigi

Vuolláičállosat

**Beavdegirji lea dollojuvvon albmosis**

Báiki ja bvm

Almmuhantávvala dikšu

Beavdegirjji dárkkisteaddjit:

Lágalašvuohta ja mearridanváldi

Eal.lg § 58

**Evttohus:**

Gávnnavuvvo ahte čoahkkin lea lágalaččat čoahkkái bovdejuvvon ja mearridanválddálaš.

**Mearrádus:**

Gávnnavuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Beavdegirjji dárkkisteaddjiid välljen

Eal.lg § 59

**Evttohus:**

Válljejuvvojit čoahkkimii guokte (2) beavdegirjji dárkkisteaddji.

**Mearrádus:**

Beavdegirjji dárkkisteaddjin välljejuvuiga Inger Länsman ja Urho Guttorm.

Ealáhuslávdegoddi

§ 61

30.11.2010

---

Bargoortnega dohkkeheapmi

Eal.lg § 60

**Evttohus:**

Ealáhuslávdegoddi dohkkeha evttohuslisttá mielde áššiid gieđahallanortnega.

**Mearrádus:**

Ealáhuslávdegoddi dohkkeha evttohuslisttá nuppástusain, lasihuvvo paragrafa 71 Gosa jávkkai dat lynx luodda -ovdačielggadanbargu. Evttohuslistái paragrafa 70 nuppástuhttojuvvo paragrafan 71. Lasseparagrafa biddjo paragrafan 70.

Mearriduvvui doallat bottu 11.45-12.30

Ealáhusčáli/bálvalusrávvejeaddji deavdinlohpi

Eal.lg § 61

Ealáhusčáli doaimma lea mearreáigásaš ja dat nohká 31.12.2010. Ealáhusdoaimma bargguid dikšun gáibida unnimusat guokte váldodoaimmasaš virgeolbmo.

Bargguide gullet ealáhus- ja dálanguovlohálddaha ja maddái oktasaš bálvalanguovddáža doaimmahatbarggut, áššehasbálvalus, fidnohálddašeapmi, turismarávveama barggut ja vel boazodoallo- ja eanadoallohálddaha doarjjaáššiid dikšun.

Ealáhusčáli/bálvalusrávvejeaddji bargguid dikšumii gáibiduvvo guovllu turisma, vuodđoealáhusaid sihke oktasašbálvalusa dovdamuš. Gáibádussan lea bargui heivvolaš skuvlejupmi, doaimmahatbargohárjaneapmi ja diehtoteknihka hálddašeapmi. Sámegeala dáidu gehččojuvvo sierraánsun. Bargu lea ollesáigásaš. Doaimma livččii mearreáigásaš 31.12.2011 rádjai.

**Evttohus:**

Ealáhuslávdegoddi bivdá gielddaráđđehusas ealáhusčáli/bálvalusrávvejeaddji doaimma deavdinlobi áigái 1.1.2011-31.12.2011.

**Mearráduš:**

Dohkkehuvvui evttohusa mielde.

Gilit goargadin ovddidanfidnu

Eal.lg § 62

Dálonguovllu birasfidnuid temaohcan 25.10.201–3.12.2010. Dálonguovllu birrasa dikšuma ja dálonguovloárbbi seailuheami ovddideaddji fidnun Lappi EBI-guovddáš ruhtada dálonguovllu kultur- ja luondduárbečuožahagaid, mávssolaš visttiid ja maiddái luondduárvvuidis dáfus mearkašahtti báikkiid seailuheami ja ovddideami (omd. eanadagaid fuolahusplánat ja daid ollašuhttin, gili eanadagaid rahpan). Lassin temaohcamii gullet biras- ja dálonguovloássiide laktáseaddji skuvlen- ja dieđugaskkuštanfidnut. Doarjaga ohccin sáhttet leat almmolašvuoigatvuođalaš ja priváhttavuoigatvuođalaš servošat dahje vuođđudusat (ee. gielddat, searvvit, organisašuvnat ja oasusgottit).

Gilit goargadin fidnus dahkkojuvvojit Gáregasnjárgii, Ohcejohnjálbmái ja Njuorggámii oidnosadikšunplánat. Fidnu álgá 1.3.2011 ja nohká 31.12.2011. Giliid eanadagaid dikšunplánain kártejuvvojit giliid eanadagat, luonddu ja huksejuvvon birrasa mávssoleamos sárgosat ja maiddái ovddidanguovllut. Gilit goargadin fidnuin dahkkojuvvojit unna eanadaga dikšunbarggut guđege gilis. Eanadaga dikšunbargguide bálkáhuvvojit Ohcejogas 9 nuora. Eanadaga dikšunplánat vuođđuduvvet Ohcejoga gieldda guđege gili ássiid sávaldagaide, sáme kultuvrra oidnosii loktemii giligovain ja Ohcejoga gieldda fidnuide ee. Ohcejoga turismaimago ja guovlovuovdaleapmi fidnui, panorámageinnodaga ovdačilgehussii ja dieđa- ja dáiddadálle -fidnui.

Gilit goargadin fidnu doaibmabijut:

- Oktasaš dilálašvuođat Ohcejoga gieldda ássiiguin
- Eatnamiin fitnamat
- Historjjálaš čielggadeamit ja analysat
- Plána kártan ja raportan
  - Gili oidnosiid árvvut
  - Ovddidandárbbut
  - Visttiid birrasa vuhtiiváldin
  - Eanadoalloeanaid seailuheapmi ja ovddideapmi
  - Luonddu mánggabealatvuođa ovddideapmi
- Geavatlaš doaibmabidjoevttohusat
- Ruhtadan- ja doarjjavuogit

Fidnu ordne giliide háleštan- ja dieđihandilálašvuođaid Gáregasnjárggas, Ohcejohnjálmmis ja Njuorggámis. Gili eanadagaid lassin plánemis váldojit vuhtii eanadoalu birrasa dikšun, čáziid-suodjaleapmi, smávva čuožahagat, johkaeanadat, geaidnobiras, turisma ja virkkosmuvvan. Eanadatdikšunplánain sáhtta ávkkástallat sihke guđege gili ja maiddái giliid oktasaš ovddidanfidnuin. Lassin dan sáhtta geavahit gili láva ráhkadettiin ja kulturbirasprográmma vuođđomateriálan. Maiddái guđege ruhtadanvejolašvuođa čielggadeapmi lea plánema oassin.

Beavdegirji dárkkisteaddjit:

Geavtlaš divvun- ja dikšundoaimmat leat plána deataleamos oassi. Divvun- ja dikšundoaimmat ollašuhthtojit sierra investerenfídnun.

Fidnu stivrenjoavku čohkiida ealáhuslávdegotti, Gáregasnjárgga gilisearvvi, Ohcejohnjálmmi gilisearvvi, Njuorggáma gilisearvvi, Deanuleagi fitnodatdoalliid searvvi ja Saamelaismatkailu ja yrittäjät ry nammadan olbmuiguin. Doaibmit nammadit ieža iežaset ovddasteaddji.

Fidnui lea vejolašvuohta oažžut 75 % ovddidandoarjaga, mas 10 % lea priváhtaruhtadeapmi oktan eaktodáhtolaš bargguin, mii dasa gullá. Ohcejoga gieldda ruhtadanossodat lea 20 %.

Fidnu árvoštallon goasttádusat leat

Boađut

Dálonguovloruhta 63 750 €

Priváhtaruhtadeapmi 8 500 €

Manut 85 000 €

Netto 12 750 €

Fidnoohcamuš mieldečuovvu materiálan čoahkkimis.

### **Evttohus:**

1. Ealáhuslávdegoddi evttoha gielddaráđđehussii ja váldostivrii lassemearreruđa Gilit goargadin -fidnui. Fidnoohcamuš doaimmahuvvo temáohcama geažil manjimustá 3.12.2010 Lappi EBI-guovddáži. Fidnu gessojuvvo eret gieđahallamis juos gielddaráđđehus ii dohkket fidnu dahje váldostivra ii juollut lassemearreruđa fidnui.

Boađut

Dálonguovloruhta 63 750 €

Priváhtaruhtadeapmi 8 500 €

Manut 85 000 €

Netto 12 750 €

2. Ealáhuslávdegoddi bivdá gielddaráđđehusas fidnui álggahanlobi juos ruhtadeamit juolluduvvojit.

### **Mearráduš:**

Dohkkehuvvui evttohusa mielde.

Lappi turisma dorvvolašvuodavuogádat

Eal.lg § 63

Roavvenjárgga ámmátallaskuvla hukse Lappi turisma dorvvolašvuodavuogádaga. Fidnu álgá 1.1.2011 ja bistá golbma jagi (31.12.2013 rádjai). Fidnoruhtadeapmi ostojuvvo Eurohpa Uniovna ráhkadusfoandda ESR -instrumenttas. Ohcejoga gieldaossodat fidnus lea 1000 €/jahki dahjege golmma jagi áiggis oktiibuot 3000 €. Lassin fidnu ulbmiliid juksan gáibida gieldda virgehálldašeaddjiid (omd. dearvasvuodadárkkisteaddji, šibitdoavttir, huksenbearráigeahčču, birasdoaimma) aktiivvalaš oassálastima fidnu dilálašvuodaide, mat lágduvvojit unnimusat 2/jahki Ohcejogas.

Fidnu ulbmilin lea oážžut fárrui turismma dorvvolašvuoda ovddideapmái buot Lappi gielddaid ja gávpogiid, buot Lappi turismaguovlluid ja unnimusat 50 turistafitnodaga.

Dorvvolašvuolta oppalohkái lea turismas áibbas deatalaš ja fidnu ollašuhtá eanagottalaš deattuhanguovlluid. Fidnu lea geahččaladdon Sallas ja Suoločielggis. Geahččalemiin leamaš buorit vásihusat ja dan vuodul fidnu lea mearreduvvon viiddiduvvot oppa Lappi dássái. Čuovvovaš gielddat /gávpogat leat skábmamánu vuosttas beaivvi rádjai mearredan oassálastimis fidnui: Salla, Anár, Roavvenjárga, Soađegilli, Giemajávri, Pelkosenniemi, Giepmá, Eanodat ja Posio. Biehttaleaddji mearrádusa leat dahkan Ranua ja Savukoski. Eará Lappi gielddain fidnui oassálastin lea vel mearridanproseassa vuolde. Fidnui lea juo čatnasan ee. Lappi Buohccidikšunbiire, Lappi Gádjunlágádus, Lappi guovlluhálddahušdoaimmahat (AVI), Lappi lihttu eará deatalaš dorvvolašvuolta-eiseválddit.

Fidnu strategalaš guoimmit leat ee. Sisáššiidmisteria (guoibmevuodasoahpamus), Suoma gielдалиhttu, Finansasuorggi guovddášlihttu ja maiddá Turisma- ja restauraŋgabálvlausat MaRary, main boahtá ovddastus maiddái stivrenjovkui.

### **Evttohus:**

Ealáhuslávdegoddi evttoha gielddaráđđehussii, ahte Ohcejoga gielda oassálastá Lappi dorvvolašvuodavuogádat -fidnui.

Fidnu manut gokčojuvvojit ealáhusdoaimma leader ja eará fidnut goastádusbáikkis.

### **Mearrádus:**

Dohkkehuvvui evttohusa mielde.

## Dálonguovlohálddahusa láchkaodastus

## Eal.lg § 64

Doaibmi hálddahusovttadahkan gehččojuvvo guovlu, gos doibmet unnimusat 800 doarjjaohcamuša dahkki eanadoallofitnodatdoalli. Bargguid barget oktasaš hovdema vuolde unnimusat 5 virgehálddašeaddji dahje doaibmaolbmo, geain okta váldodoaibmasaččat dikšu dálonguovlohálddahusa bargguid ja jodiha ovttaga. Earát eai váldodoaibmasaččat dárbbas bargat dálonguovlohálddahusa bargguid. Juos dát gáibádušat eai ollašuvva, de gielda galgá searvat ovttasdoaibmaguvlui. Viđa olbmo dárbu bohtá ohcamuša gieđahallama, čatnasumi gieđahallama ja máksieiseválddi ja vel ruovttoluottabearranbargguid sierranahttimis.

Doaibmaguovllu juohkásupmi sulluide, guhkes gaskkat Lappis ja Kainuus ja maiddái gielalaš vuoigatvuođaid ollašuvvama dorvvasteapmi leat sivat, maid vuođul sáhtta spiehkastit sihke bargi ja dálloearis. Dasa lassin vuogáiguvvan áššiiddikšunguovllut / bálvalanollislašvuođat, fásta ovttasbargu dálonguovlohálddahusa ordnemis dahje earenoamáš geográfalaš áššit sáhttet addit siva spiehkastit dálloearis. Eana- ja meahccedoalloministeria addá gielddaide ohcamuša vuođul čadni ovdadieđu das, sáhttago guovllus čuovvut man nu ovddabealde govvejuvvon spiehkasteami. Juos gielda ii leat mearredan searvat ovttasdoaibmaguvlui iige buktán ovdan ákkaid, maid vuođul geatnegasvuohta ovttasdoibmii ii leat, de ráđđehussii šaddá mearridanrieki gieldda gullamis man nu ovttasdoaibmaguvlui.

Dálonguovlohálddahusláhka 5 § addá vejolašvuođa ordnet bargguid dikšuma nu, ahte guovllus bargguid dikšu oktasaš hovdema vuolde unnimusat 3 olbmo, geain okta váldodoaibmasaččat dikšu dálonguovlohálddahusa bargguid ja hovde ovttaga, ja bargguid dikšumii oassálastet unnimusat vihtta doaibmaolbmo.

Dálonguovlohálddahuslága 7 § mielde gildii sáhtta addit ovdadieđu das, sáhttago gielddas dahje ovttasdoaibmaguovllu hábmedettiin čuovvut 5 §:s ásahuvvon spiehkastanvejolašvuođa. Ovdadieđu galgá ohcat dálonguovlovirgedoaimmahagas manjimustá 30.11.2010.

**Evttohus:**

Ohcejoga gielda ohcá ovdadieđu dálonguovlohálddahuslága 5 § mielde. Ohcejoga gielda ohcá spiehkasteami, daningo doaibmi ollislašvuođa hábmen ii lea vejolaš guhkes gaskkaid ja guovllu ássiid sámevielat vuoigatvuođaid geažil.

Ohcejoga gieldda fásta áššiiddikšunguovllut, bálvalusollislašvuođat ja fásta ovttasbargu Anára gielddain váldojuvvo vuhtii dálonguovlohálddahusa ordnemis.

Doaimmi ollislašvuohta šaddá guvlui, gos doibmet unnit go 800 eanadoallofitnodaga.

**Mearrádus:**

Dohkkehuvvui evttohusa mielde.

Davimus Lappi Leadera lasseearri

Eal.lg § 65

Davimuš Láppi Leader ry. lea Suoma ja oppa Eurohpá stuorámuš ja vuorjjimusat ássojuvvon doaibmajoavku, mii gokčá guovllu Sallas Ohcejohkii. Joavkku ruhtadeapmi čoggo EU (45%), stáhta (35%) ja gielddaid (20%) ruhtadeamis, mainna ruhtaduvvojit fitnodat- ja ovddidanfidnut, aktiveren ja rávven. Mii ruhtadat min joavkku aktiverema ja rávvema doaibmaruhtafidnuin ja eará iežamet fidnuiguin. Gielddat leat dahkan mearrádusaideaset oassálastimis min prográmma, "Ovdáneami arktalaš bieggá 2007-2013", ruhtadeapmái jagiid 2006-2007. Ruhtadančatnasemiid mielde gielddat leat addán doaibmajoavkku geavahussii ássimeariset vuodul s. 35€/as jagiid 2007-2013 áigge dahje sullii 5,35€/as jagis (6,5 jagi áigge) dássebealálaččat buot gielddaid ássiid gaska juhkkon, Leader-doaimaprinsehpa mielde.

Leader lea ruhtadan dán prográmmabajis fidnuid sullii 58% dihtomearis ja deattuhan fidnoválljema álgojagis oktasašávkkálaš ovddideapmái ja investeremiidda. Loahppabajis Leader ruhtada oktasašávkkálaš investeremiid ja ovddidanfidnuid lassin earenoamážit giliide deatalaš mikrofitnodagaid ja bálvalusaid. Jearaldahkii bohtet ain fámoieabbot giliide ja bálvalusaide deatalaš unna fitnodagat (vuollái 2 HTV ja vuollái 200t€ vuovdin), mat eai gilvvohala doaibmaguovllu eará fitnodagaiguin ja buktet barggu ja áigáiboađu báikegoddái. Ruhtadeami deaddu lea fidnuin, mat buktet barggu ja nannejit guovllu eallinfámu prográmma "Ovdáneami arktalaš bieggá 2007-2013" mielde, mii addá vejolašvuoda addit doarjaga maiddái dakkár, guvlui deatalaš fidnuide, maid haga doaibmajoavkku ii livčče vejolaš doarjut.

"Ruhtaguhppá"-prinsihpa čuovvun:

Doaibmajoavkobarggus (LEADER doaibma) galgá čuovvut "ruhtaguhppá"-prinsihpa, dahjege doaibmajoavkku stivra mearreda (EU, stáhta ja gielddaid) ruđa geavaheamis. Leadera stivra árvvoštallá fidnuid vuogálašvuoda ja EBI-guovddáš dahká aitosaš váiddagelbbolaš ruhtadanmearrádusa ja guorahallá fidnuid lágalašvuoda.

Doaibmajoavkku dohkkeheami oktavuodas Eana- ja meahccedoallo-ministeria bivddii gielddaid ruhtadanmearrádusaide dievasmahttima ja "ruhtaguhppaprinsehpa" dohkkeheamis doaibmajoavkkus čilgehusa, ovdalgo Davimuš Lappi Leader dohkkehuvvui doaibmajoavkun. Buot doaibmajovkui gulli gielddat, dievasmahttinbivdima maŋŋá, dohkkehedje prinsihpa, ahte doaibmajoavkku stivra mearreda ruhtadeamis nu, ahte ruhtada fidnuid prográmmamet mielde, iige gielddaid máksinoasus leat gielddas ollašutton fidnuid duohken, muhto gielddaid jahkásaš ovttaháve máksui vuodđuduvvi oppalaš ruhtadeapmi lea doaibmajoavkku, oppa guovllu ássiid geavahusas.

Beavdegirjii dárkkisteaddjit:

Leader lea čuvvon gieldaruđa geavaheami gielddaid mielde ja loahppaprográmmabajis 2010-2013 gieldaruđa čuovvun stivre min doaibmajoavkku aktiverema ja movttiidahttima fidnodoaimmaide.

Lasseeari vuodustusat:

Doaibmajoavkku stivra mearredii Eana- ja meahccedoalloministeria bivdima vuodul čoahkkimisttis 31.8.2010 ohcat doaibmajovkui 1.000.0000€ lasi ruhtadaneari, man mielde oppalašearri (álgoálggus j. 2005 Leader ozai 9,5m€) juolluduvvon 5,9m€:s livččii bajiduvvon 6,9m€:oi. Ministeria dahká mearrádusa EU ja stáhta ruhtadeami earis ja vejolaš bajideamis čavčča áigge. Oppalaš ruhtadeamis almmolaš doarjaga oasis 20% galgá leat gieldda ruhta ja lasseeari vásttan ohcat gielddain lassečatnasumi gielddaid ássilogu vuodul. Leader lea čuvvon fidnuide čoggoma ja ovdáneami ja čatnan gieldaruđa fidnuide oktiibuot 755.238€, man vuostá doaibmajoavkku guvlui lea čujuhuvvon oktiibuot 3.840.640€ priváhtta, EU ja stáhta ruđa. Min oppalašearri lea Eana- ja meahccedoalloministeria mearrádusa mielde rávalaččat 5.893.500€, mas gielddaid ruhta ássilogu vuodul lea 1.178.700€ gielddaid dohkkehan prinsihpa mielde.

Lasseeari mearri:

Doaibmajoavkkus lea vejolašvuohta oažžut guovllu ovddideami várás ruđa ja dat gáibida gielddain mearrádusa čatnasit lasseruhtadeapmái ássiid logu vuodul Leadera prinsihpaide vuodđuduvvi ruhtaguhpaprinsihpa mielde. Lasseeari oažžun lea eahpesihkkar ja mearrádusat bohtet čakčat dahje dálvet. Ássiidlogu juohkásumis galgá ain geavahit jagi 2005 loahpa dili, mii lea leamaš doaibmajoavkku ruhtadeami dohkkeheami vuodđun. Leader lea ohcan lasseeari eanadoalu ovddideapmi ruhtadandoibmii 1.000.000€, mas gieldaruhta mearrádusaid mielde galgá leat 20% dahje oktiibuot 200.000€.

Leader lea ožžon gielddain lasseruhtadaossodagaid fidnuide dán bajis dan láhkai, ahte lasseruhtadeami dárbu loahppabajis lea sullii 110.000 €. Stáhtaráđđi čoavdá lasseeriid guovvamánus 2011 ja lasseeriid vásttan Leader dárbaša gielddain lasseruhtadanmearrádusaid 31.12.2010 rádjai.

Mearrádusat mat dahket lasseeari vejolažžan:

Gielddaid dahkan mearrádusat gieldaruđa geavaheamis ja lasseruhtadeamis čuovvovaš láhkai:

Davimuš Lappi Leader ry doibmii juolluduvvo lasseruhtadanossodat (lasseearrái 31.8.2010 doaibmajoavkku stivrra mearrádusa mielde) jagiide 2011-2013. Lasseruhtadeami vuodustussan geavahuvvojit

jagi 2009 loahpa ássilogut (31.12.2009, 31.929 ássi).

Ohcejohka 1304 4.414€/3j.

**Evttohus:**

1. Ealáhuslávdegoddi dohkkeha Davimusš Lappi Leadera lasseari.

Jagi 2011 lasseruhtadeami oassi lea 1 471 euro, mii gokčojuvvo goasttádusbáikki sirdimiiguin. Jagiid 2012 ja 2013 lasseruhtadeapmi lasihuvvo čuovvovaš bušeahtaid oktavuodas Leader ja eará fidnut goasttádusabáikái.

Goasttádusbáikkis 6015

Goasttádusabáikái 6070

Manut 1 471 €.

2. Ealáhuslávdegoddi evttoha gielddaráđđehussii ja váldostivrii lasseari dohkkeheami.

**Mearrádus:**

Dohkkehuvvui evttohusa mielde.

Luopmosadjásašbálvalusat jahkái 2011

Eal.lg § 66

Lágiduvvo vuosttas sajis sadjásašveahkke - ja jahkeluopmosadjásašvuođat, mávssuvuloš luopmosadjásašveahkki lágiduvvo vejolašvuođaid mielde. Dat eanadoallit, geat leat fárus lágiduvvon luopmosadjásašvuogádagas, sáhttet geavahit mávssuvuloš luopmosadjásašveahki. Luopmosadjásažžan sáhtta doaibmat luopmosadjásašbálvalusaid buvttadeaddji fitnodaga bargi dahje iehčanas ámmáhis doaibmi. Olmmoš, gii lea eanadoallofitnodatdoalli bargogaskavuodas ii sáhte fállat mávssuvuloš luopmosadjásašveahki.

**Evttohus:**

Ealáhuslávdegoddi várre 1 000 euro luopmosadjásašbálvalusaid doarjumii. Luopmosadjásašbálvalusaid ordne Soađegili gielda.

Manut gokčojuvvojit ealáhusdoaimma goasttedanbáikkis.

**Mearrádus:**

Dohkkehuvvui evttohusa mielde.

## Geavahanekonomiaplána ja fidnoprográmma 2011

Eal.lg § 67

Čoahkkimis lea mieldečuovvu materiálan hámus ealáhuslávdegotti geavahanekonomiaplánas ja fidnoprográmmas.

**Evttohus:**

Ealáhuslávdegoddi dohkkeha geavahanekonomiaplána ja fidnoprográmma 2011, mat leat mieldečuovvu materiálan.

**Mearrádus:**

Dohkkehuvvui evttohusa mielde.

Ealáhusdoaimma ekonomiageahčastat

Eal.lg § 68

Válmmaštalli buktá ovdan ealáhusdoaimma ekonomiageahčastaga ja ealáhusdoaimma proševttaid ekonomiaraporttaid.

**Evttohus:**

Addojuvvo diehtun ealáhuslávdegoddái.

**Mearrádus:**

Addojuvvui diehtun ealáhuslávdegoddái.

Áššit diehtun

Eal.lg § 69

- Prošeaktabargi bálkáheapmi 1.11.-30.11.2010 áigái.

**Evttohus:**

Addojuvvo diehtun ealáhuslávdegoddái.

**Mearrádus:**

Buktojuvvui diehtun ealáhuslávdegoddái.

Gosa jávkka dat lynx luodda -ovdačielggadusbargu

Eal.lg § 70

Mohtorgielkágeinnodaga vuoddeapmái dárbaša geinnodatplána, man dohkkeheamis mearrida gieldda birassuodjalanvirgeoapmahaš. Geinnodat vuodduvvo jogo geinnodatdoaimmahušas dahje dan gieldda ja eanaoamasteaddjiid gaskasaš čálalaš soahpamušain.

Eanajohtolatlága mielde meahcceviidodahkii sáhtá vuodudit mohtorgielkágeinnodaga mearridemiin das guovllu dikšun- ja geavahanplánas. Meahcceviidodatlága mielde meahcceviidodagaid dikšumis ja geavaheamis galgá čuovvut dikšun- ja geavahanplána, man meahciráđdehus lea ráhkadan ja birasministeria nannen.

Gielkámáđit eai leat mohtorgielkágeinnodat, muhto dat buhtastahttojit eanajohtolatlágas oaivvilduvvon eatnamii. Gielkámáđit vuodduvvet luotta doalaheaddji ja eanaoamasteaddjiid gaskasaš soahpamušaide.

Eanangottelávas lea váldojuvvon eret oktavuodadárbu Gáregasnjárgga ja Ohcejohnjálmmi gaskka. Gielddaráđdehusa cealkámušas eanangottelávvi Lappi Lihttui 21.02.2006 lei eaktu, ahte oktavuodadárbbu čilgema várás ásahuvvošii doaibmagoddi, mii váldá čielgasa mohtorgielkáoktavuodadárbbu molssaeavttuin Gáregasnjárga - Ohcejohka gaskii.

Ohcejoga gielda ii leat váldán gielddi beali mohtorgielkágeinnodaga ráhkadeapmái Báišduoddara meahcceviidodahkii attediin cealkámuša meahcceviidodaga geavahan- ja dikšunplánas. Gieldda deattuha cealkámušastis guovllu mánggabealat anu. Gieldda lea maiddái gáibidan meahciráđdehusa váldit vuhtii luondduealáhusa mearkkašumi viidát ja dorvvastit ee. meahcce- ja luondoturisma eavttuid oktan luonduealáhussan meahcceviidodagas.

li maiddái Sámediggi leat váldán gielddi beali geinnodaga vuoddeapmái attedettiin cealkámuša meahcceviidodaga geavahan- ja dikšunplánas. Sámediggi baicce deattuha cealkámušastis meahciráđdehusa geatnegasvuoda dorvvastit sápmelaččaid árbevirolaš ealáhusaid ja dain šaddan moderna ealáhusaid eavttuid. Sámediggi dovddasta turisma oktan sápmelaš-ealáhussan ee. Lappi eanangotteprográmma sápmelašoasis.

### **Evttohus:**

1. Ealáhuslávdegoddi evttoha gielddaráđdehussii ja váldostivrii vuodudit čielggadanbargoavkku ođđasit.

2. Ealáhusdoaibma ohcá ruđa čielggademiidda ja geinnodatlinjemiidda Lappi Lihtus, eanangotteruđas.

3. Ealáhusdoaibma bivdá gielddaráđđehusas ja váldostivrras lassemearreruđa manuide 25 000 euro ja boađuide 15 000 euro Gosa jávkkai da lynx luodda -ovdačielggadanbargui.

Áigumuša árvaluvvon goasttádusat:

Boađut	15 000 €
Manut	25 000 €
Netto	10 000 €

**Mearrádus:**

Dohkkehuvvui evttohusaid mielde.

Eará áššit

Eal.lg § 71

Mearriduvvo ealáhuslávdegotti čuovvovaš čoahkkimis.

**Evttohus:**

Ealáhuslávdegotti čuovvovaš čoahkkin dollojuvvo guovvamánus.

**Mearrádus:**

Ealáhuslávdegotti čuovvovaš čoahkkimis mearrideaba ságadoalli ja vd. ovddidan- ja ealáhushoavda gaskaneaskka.

Ealáhuslávdegotti ságadoalli loahpahii čoahkkima diibmu 14.00.